



Broj:
Maglaj,

PRIJEDLOG

Na osnovu člana 16. Zakona o porezu na imovinu, naslijeđe i poklon („Službene novine Zeničko-dobojskog kantona“, br. 9/09 i 13/11), člana 18. i 30. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08), Općinsko vijeće Maglaj na ___ redovnoj sjednici, održanoj _____ godine, donosi

RJEŠENJE

o imenovanju Komisije za utvrđivanje tržišne vrijednosti na imovinu, naslijeđe i poklon

Član 1.

Imenuje se Komisija za utvrđivanje tržišne vrijednosti na imovinu, naslijeđe i poklon u sastavu:

1. Ermina Hajdić, predsjednica
2. Edin Kačaba, član
3. Ramiza Kapić, član

Član 2.

Zadatak Komisije za utvrđivanje tržišne vrijednosti na imovinu, naslijeđe i poklon je da po zahtjevima za utvrđivanje vrijednosti predmeta, izvrši procjenu tržišne vrijednosti imovine, naslijeđa i poklona koji su navedeni u ugovoru, odnosno rješenju o nasljeđivanju.

Član 3.

Komisija se imenuje na period od 2 (dvije) godine, a počev od 03.02.2025. godine.

Član 4.

Naknadu za rad Komisije dužan je uplatiti obveznik poreza na promet na žiro-račun Općine Maglaj i to u iznosu od 110,00 KM.
Sredstva od uplaćene naknade se raspoređuju tako da se 70,00 KM isplaćuje članovima Komisije, a 40,00 KM u Budžet Općine Maglaj.

Član 5.

Ovo Rješenje stupa na snagu danom donošenja i ima se objaviti u „Službenim novinama Općine Maglaj“.

DOSTAVLJENO:

1. Imenovanim
2. Služba Općinskog načelnika i Općinskog vijeća
3. Služba za privredu, finansije i razvoj poduzetništva
4. Arhiva.

PREDSJEDAVAJUĆA

Aida Bašić

O b r a z l o ž e n j e

Članom 16. Zakona o porezu na imovinu, naslijeđe i poklon („Službene novine Zeničko-dobojskog kantona“, br. 9/09 i 13/11) propisano je da pod tržišnom vrijednošću naslijeđene ili na poklon primljene imovine podrazumjeva se tržišna vrijednost iste koja se postiže ili se može postići na tržištu u trenutku nastanka porezne obaveze.

Tržišnu vrijednost naslijeđene ili na poklon primljene imovine procjenjuje stručna komisija (u daljem tekstu: Komisija) koju imenuje općinsko vijeće, a koju čine predsjednik i dva člana. U Komisiju mogu biti imenovane osobe koje imaju VII stepen stručne spreme iz oblasti građevinarstva, arhitekture, geodezije, poljoprivrede, prava i ekonomije i najmanje pet godina radnog iskustva u struci i spremi.

Komisija se imenuje na period od 2 (dvije) godine.

Općinski načelnik pravilnikom propisuje način rada Komisije, odnosno propisuje kriterije na osnovu kojih se vrši utvrđivanje tržišne vrijednosti naslijeđene ili na poklon primljene imovine. Predsjedniku i članovima Komisije pripada naknada za rad u Komisiji u visini koju utvrđuje općinsko vijeće.

Članom 18. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08) propisano je da Općinsko vijeće Maglaj u okviru svojih nadležnosti donosi odluke, rješenja, propise i opće akte.

Inicijativu za osnivanje povremenih radnih tijela pokreće predsjedavajući Vijeća i vijećnici, o čemu odluku donosi Vijeće, a što je propisano članom 30. Statuta Općine Maglaj.

Komisija za izbor i imenovanja je aktom broj: 02-45-1-1975/24 od 19.12.2024. godine zatražila od političkih stranaka koje učestvuju u radu Općinskog vijeća Maglaj da dostave prijedloge za imenovanje komisija kao radnih tijela Općinskog vijeća.

U ostavljenom roku svoje prijedloge dostavili su OO SDA, OO DF, OO SNAGA NARODA, OO PDA, OO NAPRIJED! BiH i OO BH ZELENI. S obzirom da OO SDP nije dostavila svoje prijedloge, Komisija za izbor i imenovanja je na sjednici održanoj 06.01.2025. godine donijela Zaključak kojim se od OO SDP ponovo traži da u ostavljenom roku, tačnije do 13.01.2025. godine dostave svoje prijedloge za imenovanje komisija Općinskog vijeća Maglaj.

S obzirom da OO SDP ponovo nije dostavila svoje prijedloge, Komisija za izbor i imenovanja je zatražila od političkih stranaka koje učestvuju u radu Općinskog vijeća, a koje su ranije dostavile svoje prijedloge, da prijedloge dopune sa imenima kako bi se Prijedlog Rješenja o imenovanju Komisije za utvrđivanje tržišne vrijednosti na imovinu, naslijeđe i poklon dostavio Općinskom vijeću Maglaj na usvajanje.

S obzirom da mandat članovima Komisije za utvrđivanje tržišne vrijednosti na imovinu, naslijeđe i poklon, koji su imenovani Rješenjem Općinskog vijeća Maglaj broj: 02-04-1-150/23 od 31.01.2023. godine ističe 02.02.2025. godine, potrebno je da Općinsko vijeće Maglaj imenuje nove članove, odnosno donese Rješenje o imenovanju Komisije za utvrđivanje tržišne vrijednosti na imovinu, naslijeđe i poklon.

Obrađivač: Emina Hasanić



PREDLAGAČ

Komisija za izbor i imenovanja

